

## والدهمه

چشم خندانکه ایلردی اثر  
بی سبب کریه طفلانه بیله .  
هانی سن . . صحتکی ، راحتکی  
یاوروک نشئه معصومی ایچون ،  
ذوق آلیردک ایدیورمکله فدا ؛  
کورمسهک اوغلكی بر کون مثلاً  
متغیر ، متبیجدک او کون  
او کون اورتردی کدر صفوتکی  
هانی سن . . آه اونوتام بونی هیچ !  
بستمیرهک اوزاندک بی تاب ؛  
التجاکاهم اولان کورکسکدن  
چیقیوردی نفسک بر شیون ،  
دیدئه شفقتک آلود سحاب ،  
روی زردکده صاچک ییچاییج ،  
متوجهدی سماواته یوزک !  
بتون ابواب بلند رحمت  
پشکاهنده کشادهیدی ، ینه

هانی سن . . صاچلری اوقشایهرق  
هر کیجه گرمیء بالکده بی  
یا تیرردک ، ایصدیردک هانی سن !  
نظر شفقتکه خنده ایدن  
اوغذک دیدئه خوابیده سنی  
بوسه لرله قبادیردک ؛ انجق  
او زمان کندک او بوردک ده ینه  
کیجه قاچ کره بنچون تکرار  
خواب آسودهکی ترک ایلیردک  
سر بالینه شهبال ملک  
کبی بر ظل صیانت ایشار  
ایتمدن واز کچه مزدک آتیه !  
هانی بن . . . اک اوفاجق بر شیله  
بمضاً آزرده حزن اولسهم اکر  
نظر شفقتک بوسه لری  
بکا بر نشئه ایدردی کدری ؛

بکا معطوف اولارق سوندى كوزك  
بخی تودیبی دوشوندىك برینه  
سن بو عالمدن ایدرکن رحلت

بو کون رشاشه سیلاب عمر موجاموج  
آتار جبین تمب دیده مه کف تحقیر ،  
آراز او موجهلر اوستنده قوللرم امداد ،  
فضاده هیچه دوزر ایتدیکم درین فریاد  
یووارلانیر طورورم متصل ذلیل وحقیر .

کچر ، کیدر تا یانمندن ظلال فوجافوج  
او کولککلر او خیالات بسته چشم و دهن  
نه بر نگاه ترجم ، نه بر صدای الم  
براقه دن چکیلر دائما تجدد ایدر ؛  
و بن او غلغله سیله وقف سمع کدر  
لیدرده سردی خشیتله تتره رم هر دم :  
نیچون حرارت بالک اوزاق بوکون بدن  
زواللی آنه جکم

( 107 - 104 s. 1329, Ist. ، نفائس ادبیه )

ح. ناظم

الواح طبیعتدن

لیل مکوکب

۱

ای لیل مکوکب سنی ایتدکجه تماشا  
روح اوچیور شوق ایله ییلدیزلره کویا...  
ظلمتلك ایلر بکا تقریر خفایا ،  
کز مکده سنك کولکه لر کده نیجه سودا ،  
چیقمقده سنك لمه لر کدن نیجه معنا ،  
محشر کبی بیک درلو حقیقتاه عیانسک !

۲

ایتدکجه بو شب بن شو بیوک عالمه دقت ،  
مشهود اولیور فکر مه بیک لوحه حکمت :  
یارب نه بیوک مقبره در شمدی طبیعت ،  
هر گوشه ده بر سایه نما قبر سکونت ،  
هر مقبره بر ییلدیز اولور شمعته تربت  
ای لیل مکوکب ، نه قدر خوش لمعانسک !